

政黨志

當十七世紀末葉政黨制度已發生於英國蓋人民參政各思發抒自己之意見非結合多數相同之主張不足以實現福國利民之主義此政黨制之度所由產生也我國漢之南北部黨人唐之清流宋之洛蜀朔明之東林皆奸人所加之罪名實則無嚴密系統之組織與改革政治之思想

我國政黨之產生實權輿於清末立憲運動自中英鴉片之戰中法馬江之役中日甲午之役以及日俄之戰均以立憲國家戰勝專制國家當時國人感於專制政體決難生存於現代於

宜章縣志

廿四卷

政黨志

一

是風起雲湧各省均有立憲之請求清廷爲事勢所迫始有預備立憲之表示中國政黨遂胚胎於此時

當時之政治運動分君主立憲與民主革命二派前派主張仍擁戴滿清循憲政之常軌求政治之改良如戊戌變政之保皇黨資政院之憲友會是後派則主張實行民族革命與民主革命並行排除異族之壓迫建立民主共和之政治如 孫總理組織之興中會同盟會是

我縣地處偏僻士鮮遠遊至光緒二十九年創辦小學風氣漸開始有留學東洋者新潮輸入風氣一變閱三年彭邦棟奉同盟會命回湘徵求革命黨員本縣加入者二十餘人當時我縣

革命黨員之質量足以與衡岳瀏醴諸縣相頡頏故辛亥武漢首義長沙獨立湘南響應者祇宜章一縣之黨人其革命之精神可以想見而政黨之規模亦於是乎粗具茲備述於左

(一) 同盟會與共和黨時期

民國成立政黨公開同盟會以革命先進資格出而組黨當然雲集景從故我縣黨員激增至六百餘人共和黨省黨部亦物色縣中名流主持黨務風聲所樹入黨者頗多故勢力足相埒選舉結果本縣得國會議員一省議員三是爲政黨極盛時期

(二) 國民黨與進步黨時期

政黨純恃議會爲活動以期取得政權然黨派太多議論龐雜

宜章縣志

廿四卷

政黨志

二

決難主張一致故同盟會於元年八月吸收統一共和黨國民共進會共和實進會國民公黨合組爲國民黨聲勢甚盛共和黨亦於二年二月吸收民主黨統一黨合組爲進步黨我縣兩黨亦奉令而改名稱袁世凱恐憲法成立而受拘束加二次革命以內亂之名於二年十一月暴令解散國民黨取消國民黨籍之國會議員並解散省縣議會本縣國民黨因以消滅袁氏並忌進步黨之鉗制以國會不足法定人數爲詞三年一月下令停止國會并解散進步黨是爲政黨消滅時期

(三) 中華革命黨時期

總理鑒於改黨後精神之渙散由於份子之複雜覺有恢復同

盟會革命精神之必要乃於三年二月取消正黨式之國民黨重組中華革命黨於東京我縣亡命日本之周正羣與留學日本之蔡子蔭李濂鄺強彭旭咸加入焉在本縣通郵加入者有張清源張自得陳森劉廷楊藍玉輝等一時革命潮流之高漲幾與清末相同同年七月遂有郴桂宜臨起義討袁之舉而張清源張自得陳森劉廷揚蔡子蔭藍玉輝諸烈士遂於此役捐軀

(四) 中國國民黨復興時期

民國五年六月袁世凱死是時本黨總部成立雖久各省縣多未辦有支分部次年 總理南下護法中華革命黨本部仍設

宜章縣志

廿四卷

政黨志


三

於上海惟財政部則移廣州七年 總理回上海親自主持黨務以海外各地尙沿用國民黨名義而本國則仍稱中華革命黨名義事實均有改組之必要遂於八年十月正式通告改名中國國民黨加中國二字者表示由中華革命黨遞嬗而來非民元份子複雜之國民黨也於此七八年間縣中無黨務工作亦無黨務機關雖有少數人奔走國事亦只個人之政治活動而已在本國政黨雖爲復興時期而在本縣則爲消沉時期

(五) 中國國民黨改組時期並本縣第一屆執監委員會之產生

民國十三年以前本黨只努力於政治運動與軍事運動而無

民眾運動往往功敗垂成 總理有鑒於此遂於十三年一月召集全國代表大會決定黨中總章規定施行行政綱容許中國共產黨黨員全體以個人名義加入增強本黨力量嚴密黨的組織觀於下列組織系統表可以概見



本黨既公開的擴大組織本縣縣黨部自然應運而生十四年五月黃方濤李宴春李佐民顏秉仁高靜仙等以共產黨份子纂取國民黨黨權並任第一屆執監委員一切設施未免過激

宜章縣志

廿四卷

政黨志


四

致演成與士紳團隊互相殘殺之慘禍黃方濤并慘死於共黨之手是為本縣政黨恐怖時期

(六) 指導委員會時期

國共破裂中央厲行清黨運動令名省縣黨部均停止活動並於各省縣設立指導委員會重新登記黨員登記手續首測驗黨員知識并思想傾向繼而隨時考察黨員之言論與行為認為合格者方准登記以期本黨之健全我縣自十五年至十七年間社會混亂亘古未聞遑論黨務十七年春第十六軍駐縣秩序始行恢復十七年冬省指導委員會派袁水清劉恢漢到縣設立縣指導委員會工作頗為努力經一年之時間登記合

格黨員至三百餘人編為三區黨部一直屬區分部十二區分部如左表



(七) 第二屆執監委員之產生及黨部之成立

宜章縣志

廿四卷

政黨志

五

十八年冬指導工作告竣當即呈准召開第二次全縣代表大會選舉執監委員結果李世英黃黎歐陽勃被選為執委周成吳熒黃炳煬為監委當時省方黨人向省黨部呈訴李世英等以武力包辦選舉把持黨務省黨部即將此案交郴桂黨務視察員周正羣查辦當以事無左證黨員尙稱努力等情查復並呈准即行成立縣黨部

(八) 第三屆執監委員之產生

二十年春呈准召開第三次全縣代表大會選舉執監委員結果黃黎張煥南吳文麗被選為執委周成程紹川吳山彪為監委

(九) 第四屆執監委員之產生

二十年秋呈准召開第四次全縣代表大會無選舉二十一年秋呈准召開第五次全縣代表大會選舉第四屆執監委員結果張煥南吳文麗程紹川被選爲執委李壹周成文鼎銘爲監委旋文鼎銘死以黃明漢補充本屆執監委員會自二十一年秋至二十七年九月改制止任期經過六年有餘其原因(一)執監委本身意見一致黨內無糾紛(二)能適合輿情不致招人民反感(三)朱毛大軍西移後匪徒潛伏鄉村尙多清剿及民運工作未便間斷省方洞悉情況不卽改選此亦本縣黨務之特殊情形也

宜章縣志

廿四卷

政黨志

六

(十) 書記長制之產生

二十七年臨時全國代表大會議決恢復領袖制實行民主集權之主張在中央爲總裁有代行總理職權在省執行委員會爲主任委員在縣執行委員會爲書記長均有最後決定權在縣執行委員會未產生以前由省執委會指定書記長代行縣執行委員會職權本縣第一屆書記長李日友萍鄉人於二十七年九月到職二十八年三月辭二任書記長蔡以沅湘潭人二十九年四月辭現任書記長龍元章湘鄉人

(十一) 經費

本黨經費田省款補助者月國幣三百五十元地方款支撥者

數同省款歷年遞減現每月僅一百九十四元地方款亦減爲
每月二百三十元

宜章縣志

廿四卷

政黨志

七